



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

Name of School : CNEC Christian College

学校名称 : 中华传道会安柱中学

Name of Play 剧名 : 婚 挣

Script writer 剧作者 : 赵松昕、何雪琳 (学生)

Synopsis 故事大纲:

当大家认为地球是平的，你提出它是圆，就会被人耻笑；当大家认为鱼生应配芥末时，你选择奶油，会被批评为浪费食物；当你坚持在水底进行婚礼时，大家只觉你在哗众取宠；当你用不寻常的手法处理事件，等待你的，只会是反对的声音及质疑的目光，你，选择坚持，还是妥协？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第一场:

(幕开，台中有一颗台湾相思树。老人家在忙乱中接过电话，听后面色一沈，叹了一口气，定睛看着台湾相思树。

(灯转) (女友人及年青公公步出)

女友人: 喂你睇吓，长高咗 0.35 厘米。

公(年青): 咁少你都睇到?

女友人: (举起手中间尺) 肉眼梗系睇唔到啦，咁我有记低㗎嘛。系就唔似你啲头发生得咁快。(望向年青公公) 咦，你啲头发都长咗好多㗎，仲唔去剪?

公(年青): 迟啲...一次过剪(顿)

女友人: 迟啲? 你女朋友唔话你咩?

公(年青): 佢话结婚前剪就得喇。

女友人: 哗，咁你谗住留到几时先剪呀?

公(年青): 唔...年尾就剪。(望向女友人) 我同媚媚决定咗年尾就结婚啦。

女友人: (呆了半晌)(坚强地说) 最后...都要做人老公。咁...放咗工要交人㗎啦㗎，以后就唔可以同我哋玩㗎。

公(年青): 都系...

女友人: 你...

公(年青): 你...

女友人: 迟啲做埋老窦，真系有晒自由啦呵。

公(年青): 冇谗咁远..

女友人: 系呢，婚礼有咩要帮手，可以搵我㗎。

公(年青): 你嚟饮就得啦，其他嘢都系媚媚决定...

女友人: 咁又系嘅，又唔系我结婚。(顿) 啊，都不记得要恭喜你哋添。(伸出手)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

公(年青): (伸出手) 多谢你...你要保重啊。你都会搵到一个爱锡你嘅人㗎。

女友人: ...嗯

(灯熄)

第二场:

(灯着) (爸爸、公公、妈妈及弟弟上左车, 准备去扫墓。)

爸爸: 边个未扣好安全带啊?

弟弟: 公公你又不记得扣安全带啦。(说毕把安全带递给公公)

妈妈: 阿爸, 你有冇带药啊?

公公: (正在专心扣安全带, 没有回答妈妈)

妈妈: 阿爸, 阿爸... (见父亲没有回应, 望向儿子) Hayden.....

弟弟: 阿公, 我又要奉命搜你身喇, (喃喃自语) 褸袋冇, pat pat 袋冇,

弟弟: (正想再伸手进其他裤袋时)

公公: 得啦, 我有带啊, 唔好再搵啦。

爸爸: 妈咪, 龙翔道塞车。

妈妈: 塞车? 撞车啊?

爸爸: (专心地在手机上查阅新闻, 看看相关信息) 冇讲啲, 唔行得龙翔道...

弟弟: 妈咪, 我突然间好肚痛啊, 比条锁匙我吖。

妈妈: 塞车你仲去厕所? 仲唔开车天黑前都去唔到呀。

爸爸: 我地行旺角应该... (边说边看着手机)

弟弟: 我忍唔到喇, 比条锁匙我啦。

公公: 阿冬冬呢? 佢唔一齐?



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

妈妈：系嘞，Anthea 搞咩咁耐唔嚟？

爸爸：妈咪，咁我地决定行旺角？

弟弟：妈咪比锁匙我啦，快啲啦，我要攞尿袋呀。

妈妈：旺角会唔会都好塞啊？今日个个都去扫墓.....明知假期多人，

妈妈：啲人揸车就小心啲啦，搞到撞车。

姐姐：（正准备上车）细路，坐入去啦。

弟弟：比条锁匙我，塞车我要尿袋啊。

姐姐：（手上锁匙被弟弟抢去）塞车呀？咁不如我地迟啲先出发，唔通出去同人塞呀？

妈妈：（见弟弟夺门而出）Hayden 返嚟，要开车啦。（转向姐）你做咩又比条锁匙佢。

姐姐：爸爸，话我听边度塞车呀？

爸爸：龙翔道.....但系如果我地行旺角呢.....

妈妈：旺角唔一定会快啲，你查到塞车，其他人都会查到，结果嘅旺角一样塞。

姐姐：旺角暂时唔算好塞嘞，如果我地.....

妈妈：如果你地跟我定嘅时间出发，早就会避开个撞车。

爸爸：都冇人话系撞车，或者系多人啫。

姐姐：我地早出门口都唔一定会避开意外，我地都可能嘍撞车嘅后面。

姐姐：我地应该庆幸未出门口，如果唔系.....

妈妈：根据我嘅计划，依家已经到咗，准备搵位饮茶喇。你地系都要唔同我合作。

姐姐：我争少少就画完嘛，咁我听日要交画。

妈妈：你咁有心机画都有用嘍，我系唔会比你读设计。

姐姐：我第一拣 law，第二拣左会计，乜第三唔可以拣设计咩

妈妈：你估我唔知你想点咩，就算你入左设计我都唔会比你读咯。

姐姐：但系读书嗰个系我唔系你咯